

UGOVOR  
o izradi ažurne geodetske situacije u Općini Ilijaš

Zaključen u Sarajevu, između:

(1) JU Kantonalni zavod za zaštitu kulturno-historijskog i prirodnog naslijeđa Sarajevo, ul. Josipa Stadlera 32, koga zastupa direktor Nerven Dacić, dipl.ing.arh (u daljem tekstu: Naručilac)

ID broj: 4200004140005

(2) Geodet d.o.o. Sarajevo, ul. Hamdije Čemerlića br. 47, koga zastupa direktor MA Bečić Muriz, dipl.ing.geod. (u daljem tekstu: Izvršilac)

ID broj: 4201596930000

Član 1.  
(Predmet ugovora)

(1) Predmet ovog ugovora je:

a) Izrada ažurne geodetske situacije lokaliteta srednjovjekovne nekropole stećaka u selu Kopošići (Općina Ilijaš), geodetsko snimanje stećaka dronom i izrada 3D modela stećaka.

b) Izrada ažurne geodetske situacije starog muslimanskog groblja u neposrednoj blizini grada Dubrovnika, na lokalitetu: Višnjica, Općina Ilijaš, geodetsko snimanje muslimanskog groblja (2D snimak)

(2) Ugovor se zaključuje na osnovu Odluke o pokretanju javne nabavke putem direktnog sporazuma, broj: Z-33, Z-05 - 456/19 od 12.3.2019. godine, Odluke o dodjeli ugovora, broj: Z-33, Z-05 - 456-1/19 od 13.3.2019. godine i ponude Izvršioca broj: 16-III/19 od 5.3.2019. godine, koja je sastavni dio ovog ugovora.

Član 2.  
(Cijena i način plaćanja)

(1) Ugovorne strane utvrđuju vrijednost usluga iz člana 1. ovog ugovora u iznosu od 5.930,00 KM (slovima: pethiljadadevetstotinatrideset i 00/100 KM) bez uključenog PDV-a odnosno 6.938,10 KM (slovima: šestiljadadevetstotinatridesetosam i 10/100 KM) sa uključenim PDV-om.

(2) Naručilac će sredstva iz stava (1) ovog člana isplatiti na transakcijski račun Izvršioca nakon završetka predmeta ovog ugovora i po ispostavljenoj fakturi od strane Izvršioca.

Član 3.  
(Prava i obaveze ugovornih strana)

(1) Izvršilac se obavezuje da će za potrebe naručioca izvršiti sljedeće:

a) nakon izrade 3D modela stećaka (ukrašeni i sa natpisima) izraditi tabele sadržaja za sve stećke u koje će biti uneseni osnovni podaci o stećcima (dimenzije, orijentacija i dr.)

b) za stećke koji su bez ukrasa i natpisa, izraditi samo tabelu sadržaja.

c) dostaviti materijal koji će biti pripremljen za stavljanje na web stranicu Zavoda

d) sve pozicije otkrivenih nišana, kao i onih koji bi se možda naknadno otkrili, unijeti po istom principu na geodetsku podlogu, prikazani in situ (njihova trenutna pozicija) na parceli i s tabelom sadržaja.

(2) Naručilac se obavezuje da će Izvršiocu isplatiti naknadu za izvršene usluge u skladu sa članom 2. ovog ugovora

Član 4.  
(Rok)

Predviđeno vrijeme za izradu predmeta ovog ugovora je dva mjeseca, računajući od dana njegovog obostranog potpisivanja.

Član 5.  
(Prelazne i završne odredbe)

(1) Za unos podataka u geodetsku podlogu i u dokument koji će se postaviti na web stranicu Zavoda, ispred firme Geodet d.o.o. se imenuje Amei Žilić, a ispred Zavoda se imenuje Mirha Šabanović.

(2) Na odnose između ugovornih strana koji nisu uređeni ovim ugovorom, primjenjivat će se odredbe Zakona o obligacionim odnosima.

- (3) Ugovorne strane su saglasne da sve sporove rješavaju mirnim putem, a u protivnom ugovaraju nadležnost suda.
- (4) Ovaj ugovor stupa na snagu danom potpisivanja od strane ovlaštenih lica ugovornih strana.
- (5) Ugovor je sačinjen u 4 (četiri) istovjetna primjerka, od kojih po dva primjerka zadržava svaka ugovorna strana.

ZA NARUČIOCA

JU Kantronalni zavod za zaštitu kulturno-historijskog  
i prirodnog naslijeđa Sarajevo

  
\_\_\_\_\_  
Direktor Nerven Dacić, dipl.ing.arh.

Broj: 517/19

Datum: 20-03-2019

ZA IZVRŠIOCA

Geodet d.o.o.

  
  
\_\_\_\_\_  
Direktor MA Bečić Muriz, dipl.ing.geod.

Broj: 33/III 19

Datum: 29.03.2019